



Ben Veñas, maio 2016

Bases Xerais

Para todos os certames, agás o musical:

- 1 Poderá participar o alumnado matriculado nos institutos públicos do concello de Pontevedra.
- 2 Cada participante poderá presentar tantas obras queira, se ben en cada categoría non se poderá conceder máis dun premio á mesma persoa.
- 3 O alumnado participante non fará figurar o seu nome nas obras. Xunto con estas, entregárase un sobre pechado que conterá os datos persoais: nome, idade, enderezo, teléfono, curso e instituto no que estuda e copia do DNI. No exterior figurará o título da obra e carón do pseudónimo do autor ou autora, a modalidade á que se presenta e, se é o caso, a categoría na que participa. As persoas que resulten premiadas deberán achegar, unha vez coñecido o veredicto, unha certificación bancaria na que estean autorizados os/as menores.
- 4 O xurado que cualificará os traballos será designado pola Comisión Organizadora e só a el corresponde a interpretación das bases. O seu veredicto será inapelable.
- 5 Todas as obras presentadas poderán ser reproducidas, expostas ou editadas.
- 6 Os traballos entregaránse aos membros dos Equipos de Normalización e Dinamización da Lingua Galega dos institutos.
- 7 O prazo de admisión de traballos remata o día 15 de abril de 2016.
- 8 O anuncio do veredicto do xurado e a entrega de premios realizaranse ao remate do certame musical "Ben veñas, maio" do sábado 7 de maio de 2016.
- 9 Ademais dos premios establecidos, o xurado poderá outorgar cantos accésitos considere oportunos. Os accésitos consistirán nun lote de libros.
- 10 No caso que o xurado considere que nalgunha categoría as obras non acadan o nivel mínimo exhibible poderá declarar deserto un ou todos os premios contemplados nestas bases. As dotacións económicas dos premios desertos poderán ser empregadas para premiar obras de calquera outra categoría.

Bases Específicas

XV CERTAME DE FOTOGRAFÍA BEN VEÑAS, MAIO

As fotografías deberán recoller algunha imaxe que represente o uso anómalo ou curioso da lingua galega en rótulos, pancartas, faixas publicitarias, pintadas, indicadores, etc.

Cada fotografía achegarase cun comentario en galego que xustifique o interese da imaxe obtida, así como o lugar e a data de obtención.

A técnica fotográfica e o tamaño serán libres.

Os premios serán os seguintes:
Primeiro premio: 150 €, lote de libros e diploma
Segundo premio: 75 €, lote de libros e diploma

XXIII CERTAME DE BANDA DESEÑADA BEN VEÑAS, MAIO

As obras serán orixinais e inéditas. No tema deberá reflexionarse sobre o uso e valoración das linguas e os textos serán en lingua galega.

Poderá utilizarse calquera técnica, mais só en branco e negro. O formato será DIN-A4 ou ampliación ou reducións proporcionais.

A extensión será de dúas páxinas como mínimo e de seis como máximo.

Deberán presentarse orixinal e fotocopia de cada unha das obras.

Establécense dúas categorías:

Categoría A: ata 14 anos inclusive,
Categoría B: a partir de 15 anos.

Os premios serán os seguintes:

Primeiro premio: 150 €, lote de libros e diploma,
Segundo premio: 75 €, lote de libros e diploma.

XXII CERTAME DE NARRACIÓN CURTA BEN VEÑAS, MAIO

O tema das narracións será libre. As obras deberán estar escritas en lingua galega e ser absolutamente orixinais e inéditas; terán unha extensión mínima de dous folios e máxima de seis, mecanografiados a dobre espazo, por unha soa cara e con letra Times New Roman do tamaño 12.

Os participantes entregarán o orixinal e enviarán o texto por correo electrónico ao enderezo benvenasmaio@gmail.com

Establécense dúas categorías:

Categoría A: ata 14 anos inclusive,
Categoría B: a partir de 15 anos.

Os premios serán os seguintes:

Primeiro premio: 150 €, lote de libros e diploma,
Segundo premio: 75 €, lote de libros e diploma.

XV CERTAME DE POESÍA BEN VEÑAS, MAIO

O tema dos poemas será libre, e no tocante á extensión, un máximo de trinta versos.

As obras serán orixinais e inéditas, escritas en lingua galega e mecanografiadas a dobre espazo, por unha soa cara e con letra Times New Roman do tamaño 12.

Os participantes entregarán o orixinal e enviarán o texto por correo electrónico ao enderezo benvenasmaio@gmail.com

Establécense dúas categorías:

Categoría A: ata 14 anos inclusive,
Categoría B: a partir de 15 anos.

Os premios serán os seguintes:

Primeiro premio: 150 €, lote de libros e diploma,
Segundo premio: 75 €, lote de libros e diploma.

XX SEMANA TEATRAL BEN VEÑAS, MAIO

Mostra do traballo realizado ao longo do curso polos grupos teatrais dos diferentes institutos. Este certame desenvolverase durante os días 4, 5 e 6 de maio no Teatro Principal e segundo un programa que se anunciará previamente nos propios centros.

XVII CERTAME MUSICAL BEN VEÑAS, MAIO

Poderán participar todos os grupos musicais e/ou solistas, sempre que todos os seus compoñentes estean matriculados/as nalgún instituto público de Pontevedra.

Ningunha persoa poderá participar en máis dun grupo. Cada grupo ou solista interpretará dúas pezas orixinais, en calquera estilo musical, de xeito que as súas letras se axusten ás condicións seguintes: o texto da primeira peza será un poema de autoría propia; o texto da segunda peza será dun poeta ou dunha poetisa con obra en galego. En ambos os dous casos, os textos deben ser en galego, Asemade, a presentación do grupo e das cancións, ao igual que calquera tipo de manifestación de carácter oral dirixida ao público, deberá facerse en lingua galega. Os textos das cancións deberán ser entregados á Comisión Organizadora unha semana antes da celebración do concurso, xunto cunha ficha na que figurarán os datos de cada compoñente do grupo. As inscricións dos grupos ou solistas participantes faranse diante dos profesores/as que coordinen o ENDL de cada centro. O prazo rematará o 15 de abril de 2016.

A celebración do certame será o 7 de maio, sábado, no Pazo da Cultura, e a hora de comezo anunciarase oportunamente. O acto será público.

A coordinadora dos ENDL nomeará un xurado que decidirá os tres primeiros grupos ou solistas clasificados.

Os premios serán os seguintes:

Premio especial: 100 € por membro do grupo, ata un máximo de 800 €
Primeiro premio: 400 € e diploma,
Segundo premio: 350 € e diploma,
Terceiro premio: 150 € e diploma.

O anuncio do veredicto do xurado e a entrega dos premios realizaranse ao remate do propio certame. A interpretación destas bases corresponde ao xurado. O seu veredicto será inapelable.

Organiza:



A Lingua Latexa

COORDINADORA DE EQUIPOS DE NORMALIZACIÓN DA LINGUA GALEGA DOS IES E CFP DE PONTEVEDRA